

Fundinn sátu: Jónas Guðmundsson, Guðlaug B. Guðjónsdóttir, Árni Einarsson og Hildur Helga Gísladóttir, Laufey Guðmundsdóttir og Vilmundur Gíslason.

Dagskrá:

1. Fundargerð síðasta fundar.
 2. Lýðræðishátíðin – nýr samningur.
 3. Verkefnahópur í Garðabæ.
 4. Fundur með félagsmálaráðherra.
 5. Almannaheillaskrá—spurning til skattsins.
 6. Siðareglur—afgreiðsla.
 7. Námskeið; bókhaldsmál; framkvæmd.
 8. Heimsmarkmiðin; umræðan í gangi.
 9. Afgreiðsla umsókna—ný aðildarfélög.
 10. Atvinnu- og nýsköpunarstefna Reykjavíkurborgar 2022-2030.
 11. Aðalfundur 2022.
 12. Önnur mál.
1. Afgreiðslu fundargerða síðustu þriggja funda frestað til næsta fundar, það er funda sem haldnir voru í janúar, febrúar og mars. Fundargerðirnar verða sendar út með boðun næsta stjórnarfundar.
 2. Lögð hefur verið fram ný umsókn til Reykjavíkurborgar um samstarf til þriggja ára um Fund fólksins. Samþykkt að fela formanni að endurnýja samning við Norræna félagið um framkvæmd Fundar fólksins sem haldinn verður í september næstkomandi.
 3. Næsta skref í samstarfi við Garðabæ og fleiri um samfélagslega nýsköpun með áherslu á geðheilbrigði er fundur verkefnahóps 6. apríl næstkomandi.
 4. Formaður sagði frá fundi sem hann, ásamt fleiri fulltrúum frá Almannaheillum hélt með Guðmundi Inga Guðbrandssyni félagsmálaráðherra 30. mars síðastliðinn. Ráðherrann tók vel í málaleitan Almannaheilla um samstarf og stuðning við samfélagslega nýsköpun og nýsköpunarvettvang félagasamtaka og fleiri mál sem rætt var um.
 5. Formaður fór yfir samskipti við Skattinn um skráningar á almannaheillaskrá og leiðbeiningar vegna skráningar á almannaheillafélagaskrá. Upplýsingar sem eru á vefsíðu RSK eru um margt villandi.
 6. Farið var yfir drög að siðareglum í ljósi innsendra athugasemda eftir kynningu til aðildarfélaga. Drögin samþykkt og verða send aðildarfélögum til umfjöllunar á aðalfundi ásamt öðrum aðalfundargögnum.
 7. Farið yfir undirbúning að námskeiðum um bókhald og fjárreiður félagasamtaka. Námskeiðið verður haldið miðvikudagana 4., 11., 18. og 25. maí frá kl. 9:30 til 12:00. Síðasti dagur til skráningar er 2.maí 2022. Námskeiðið fer fram á netinu. Verð fyrir þátttöku kr.12.500 - en námskeiðið er niðurgreitt af Almannaheillum. Fagleg umsjón og kennsla á námskeiðinu er í höndum Ingu Jónu Óskarsdóttur hjá Bókhaldi og kennslu.

8. Unnið er að undirbúningi næstu vinnustofu um Heimsmarkmiðin.
9. Vilmundur kynnti þrjár umsóknir félagasamtaka um aðild að Almannaheillum. Tvær þeirra voru samþykktar af stjórn með fyrirvara um innsendingu umbeðinna gagna.
10. Formaður fór yfir vinnu og samráð við mótun nýrrar atvinnu- og nýsköpunarstefnu Reykjavíkurborgar 2022-2030.
11. Farið yfir undirbúning fyrir aðalfund Almannaheilla, sem haldinn verður 2. júní næstkomandi kl. 15:30 í húsi Krabbameinsfélagsins við Skógarhlíð. Senda þarf fundarboð ekki síðar en 11. maí og gögn vegna fundarins ekki síðar en tveimur vikum fyrir fund. Formanni falið að tryggja fundarstjóra í samræmi við umræður á fundinum og Árni tekur að sér ritun fundargerðar. Uppstillingarnefnd hefur sent aðildarfélögum erindi og hvatningu um að senda inn tillögur að fulltrúum í stjórn Almannaheilla.

Árna og Guðlaugu falið að yfirfara lög Almannaheilla með hliðsjón af lögum um félög til almannaheilla. Stjórn mun yfirfara tillögur þeirra á næsta fundi og senda tillögu stjórnar að lagabreytingum ásamt öðrum aðalfundargögnum til umræðu og afgreiðslu á aðalfundinum 2. júní.
12. A. Búið er að setja upp lyklabox við innganginn að húsnæði Almannaheilla í Urriðaholti.
B. Rætt um óskir Takk um tilnefningar og ábendingar um vel unnin fjáröflunarkerfni.
C. Rætt um tilnefningu Almannaheilla um Sjálfboðaliða ársins.

Fundi slitið kl. 10:55.

Fundargerð ritaði Árni Einarsson.